

十三

卷十

婦科

東垣金鑑



御醫忠勤貞亮扈 聖功臣崇祿大夫陽平君臣許汝泰教撰

諸傷

金刃傷

金瘡腸斷者視病淺深各有生死腸一頭見者不可連也若腹痛短氣不得飲食者大腸一日半死小腸一日死腸兩頭見者可連續之先以針縛如法連續之斷腸便取雞冠血塗其際勿令氣泄即推納之但出不斷者作大麥粥取汁洗腸以漬納之且作粥清稍飲之二十餘日乃吃糜粥百日後乃可進飯(病源)○金瘡失血其人當苦渴然須忍之常令乾食可與肥脂之物以止其渴又不得多飲粥則血溢出血人也又忌嗔怒及大言笑動作勞力及食鹹酸熱酒熱羹輩皆使瘡痛衝發甚者即死(聖惠)○凡金瘡及折傷不可飲冷水血見寒則凝入心則死(丹心)

不治證

十不治證凡被傷入於肺者縱未即死二日難過○左脇下傷透內者○腸傷斷一半可醫全斷不可治○小腹下傷內者○證後繁多者○脈不實重者○老人左股墜碎者○傷破陰子者○血出盡者○肩內耳後傷透於內者皆不必用藥(得效)○凡金瘡傷天竅(又名)眉角腦後臂裏跳脈脾內陰股兩乳上下心鳩尾小腸及五臟六腑俞皆死處又破體出髓而不能語戴眼直視喉中沸聲口急唾出兩手妄舉皆不治(聖惠)

金瘡脈候

金瘡出血太多其脈虛細者生數實者死○金瘡出血脈沈小者生浮大者死研刺出血不至脈來大者七日死滑細者生(脈經)○金瘡出血虛細則宜實大則傾(得效)○傷雖淺命脈虛促可慮傷至重命脈和緩永無慮也○血出甚者脈不要洪大只要平正重實(得效)

腸肚傷治法

壯破腸出在外若腸全斷難醫不斷者可治○腸及肚皮破者麻線為線或桑白皮尖茸為線以花蕊石散付線上從裏縫之腸子則以清油熬活放入肚內乃縫肚皮不可縫外重皮留皮間用藥糝待生肉(得效)○傷破肚皮腸與脂膏俱出先用湯藥如活血散佛手散(即芎歸湯)與服用手摩去膏不妨此是肉放心去之然後推腸入內用線縫之仍服通利藥勿令二便秘澀(得效)

金瘡先宜調血

大凡金瘡及折傷墮墮內損者必有瘀血傷積先宜逐去瘀血若亡血過多則調養氣血為主(正傳)○花蕊石散奪命散雞鳴散導滯散破血消痛湯復元活血湯皆可選用(方)諸

